




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.539/a





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.539/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.539/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.539/a

CELER EXCVRSVS

I N L I B R V M

MAGNI HIPPOCRATIS

D E

DECENTI ORNATV

A V C T O R E

IOANNE ANDREA

M O N E G L I A

REGIÆ CELSITVDINIS

C O S M I I I I

MAGNI HETRVRIÆ DVCIS

A R C H I A T R O

Et in celeberrimo Pifarum Lyceo Medicinam
Practicam Ordinario loco edocente

274
316

FLORENTIÆ Apud Cæsarem de Bindis
Sub signo S. Bernardi. *Super. perm.* 1700.

CELESTIAL EXCURSIONS

IN THE

MAGNIFICENT

OF THE

OF THE

OF THE

OF THE

OF THE

OF THE


OF THE

OF THE

OF THE

OF THE

TEXTVS³



Non sine ratione faciunt, qui sapientiam ad multa utilem esse præcedunt. Sapietia nomine intelligit Hippocrates earum scientiarum cognitionem, quæ simpliciter ad intellectum spectant, & quæ res tractant in abstracto, nec sensibile subiectum habent, qualis est Grammatica, Mathematica, Scientia, Logica, Metaphisica, Philosophia Moralis, Ars Poetica; & in summa, quæcumque ad curiositatem superfluam, ut ipse loquitur, inventa sunt. Harum igitur scientiarum partes assumi posse ad usum artium utilium asserit; quatenus haud parum artibus ipsis utilibus acquirendis, inveniendisque, & ad earum usum inseruire possunt, cuius eam rationem assignat, quia in illis non adest ocium, neque malitia, per quæ omnes artes defituuntur; imo contrarium in illis viget, quod ad ipsas artes capeffendas plurimum conducit. Vigilantia nempe, & mentis, intellectusque exercitatio, quam tanti iam fecit antiquitas, ut huius gratia iuvenes antequam utilibus scientiis applicarentur, in Mathematicis speculationibus, & Logicis Disputationibus, alijsque huiusmodi scientiis diu exerceri procuraverint.

A 2

Huc

Huc usq: loquutus est Doctissimus Prosper Martianus. * Cum multis abhinc annis mea etiam florente iuventa in Magni Hippocratis Librum de decenti Ornatu animum devoluissẽm, & oculum Divini illius Magistri altissima praecepta adeò in mente locavi, ut non solum nepotibus meis, sed & amicis patefacere adama-verim, instar apìs hic atq: illic suavissimos florum succos ad mellis illum inimitabilem humanę rationis saporem conficiendum delibantis de decenti ornatu opusculum excucurri, ut curiosè satiùs, quam sublimis doctrinæ gratia fasciculum præceptionum ab ipso Coorum maximo emanantium construxi, ut qua data occasione me audientibus exhiberein, & quis summa admiratione non percipit, quali cultu, quali reverētia erga suos Deos steterit, aliosq: stare censoria Maiestate imperaverit, medicinam Sanitatis præsidem, ab Apolline, ab Æsculapio, nec non ab Hercule precibus, votisq: omnibus extendam insinuans; quantę (obsecro) victimæ mactabantur in templo, quot mascula thura fumabant super altare Igeæ quæ veluti Numen sanitatis impiè colebatur, quemadmodum in hymnis suis canebat Orpheus.

Verum si talia præstitere Gentiles, nos in gremio

in annotat. ad lib. Hip. de dec. Or.

E X C U R S U S 5

mio Ecclesię Catholicę, Christi. Fidelium sancto nomine insigniti, super quos fluxit Divina hæc ars altiori è parte, & non Apollinem, aut alium quempiam, ex Dijs, quos superstitio invexit, sed verum, optimumque, rerum omnium opificem, ac parentem, auctorem primum, ac conditorem suum agnovit; quanto magis gratias agentes ante Sacras eius aras stare deberemus lacrymas effundentes benevolentię, & amoris, cum neminem lateat, Medicinam Donum Dei esse, & a Deo omnem pendere? Præceptum monitumque alterum summa charitate patribus familias exhibet, nempe ut liberos suos, quos ad Medicam facultatem incumbere decrevit, Logicę prius, Mathematicę, Poesi, & singulis huiusmodi sedulo teneriori ætate studere consulant, Versam simulantes, quæ mox ab ipso partu informem fætum, dum mollis adhuc est, circumlambendo perficit, & effingit membra, omnem alias perditura operam, si indurescere sineret, ipsosque librorum amænitate, et numero alliciat, nec obstat quispiam auctoritate Senecæ obmunitus, * *Quo mihi innumerabiles libros, & bibliothecas, quarum Dominus vix tota vita sua indices perlegit? onerat discentem turba, non instruit, multoq: satius est paucis te auctoribus tradere.*

A. 3.

De Tranquill. ani.

dere, quam errare per multos. Nonne animadver-
tit ibi Senecam ad Lucilium suum scribere ad
Moralem Philosophiam adipiscendam, cuius be-
neficio animi tranquillitatem possidere totis vi-
viribus studet? non ad hoc assequendum bo-
num libris pluribus egere, sed paucis tantum-
modo; Medicos verò, Iurisque prudentes opu-
lentissima librorum supellectile donari eque, u-
tile, ac necessarium penès sapientes censetur.
Medicinæ professor in bibliotheca variarum eru-
ditionum, graviumque scientiarum voluminibus
abunde ditata olitorem in viridario imitetur;
qui suaviter redolentes flores à fructiferis arbo-
ribus gemino dissidio discriminaverit, modo in
unum, modo in alterum obtutum voluens profe-
rat; hinc flores, hinc fructus lego. Et sane, quan-
do animus laboribus, negocijsque defatigatus,
fractusque languet amicorum consuetudine,
Historiarum, Poematum lectione à mensa æsti-
vis præsertim diebus refici poscit, & recreari;
Sublimioribus verò studijs, & altissimis discipli-
nis operam navet exoriente Aurora musis ami-
ca, & cum placidum venticis stat mare, epulis
non saturato stomacho, meroque fumante. Vi-
num etenim mentem nostram perturbat, quip-
pe in cerebrum crudos, & densissimos vapores
transmittit. Hinc fit ut multa effutiamus inania;
nihil

nihil autem consideratè, nihil cum ratione agamus. Et profecto enerves spiritus quiete ad naturale robur restituere proficuum, immo necessarium est, ut magis expediti, magisque alacres ad studiorum facinora exurgant, quemadmodum Sulmonensis eleganti exemplo cecinit.

Da requiem, requietus ager benè credita reddit
& Tullius auctoritate firmavit. *Cum diutius in eo negotio, cura que fueram, ut quiescerem, curamque animi levarem, ad Carpinarium revertabar.*

Poesim Medicinæ iniunctam multum utilitatis, & decoris ei præstituram Divini Præceptoris Oracula tradiderunt, qua igitur vanitate demersi medentium aliqui illis illudant, qui Poeticæ Arti student, eaque in morbis eliminandis prudentissimè utuntur, penitus, penitusque ignoro; quin si aliquando in consultationibus ornatus gratia Poeticam ostentationem adhibent sæviter accusant, & reprehendunt. Si mihi Poetæ nomen donaretur, non equidè indignarer, immo ipsum non mereri puderet. Illud autem iterum, iterumque sciatis velim fabularum amantes Philosophos ipsos extitisse, idque duplici de causa, tum quod fabulæ aliquid præferant admirationis, tum etiam, quod ad veritatem nobis indicandam inventæ sint; Philosophis verò admirationem non secus, ac veritatem

tatem convenire, quem latet? Quamobrem Plato, & Aristoteles (si recentioris philosophi observationibus fides sit habenda) fabulas sæpè numero, & metaphoras usurparunt, quibus veritatem vel exponerent, vel confirmarent.

Nonnè Aristoteles intellectivam hominis animam perpolitæ tabulæ comparavit, in qua nihil omnino scriptum sit, omnia verò scribi possunt? Libello eam scripto simillimam Plato asserit, scriptoresque nuncupat sensus; Quemadmodum eiusdem Dialogus de summo bono, cui nomen etiam Philebus * ostendit. Ex Aristotelis sententia, desiderium, aut amor in materia** nascitur ex privatione formæ, vel boni. Idem à Platone indicari videmus in Convivio, ubi fabulam affert Amorem ex Paro, nempe rerum Abundantia, & Penia, idest rerum Caritate ortum habuisse. Hominis intellectum Divinarum rerum splendore ita perscriptum asserit Aristoteles ut non eas in se statim, sed per sensibilibus imagines comprehendat, eum comparans Vespertilioni, qui non Solem, sed Solis tantum in Luna reflexum potest intueri; non longè abest Plato, qui hominem fingit in tenebricoso specu sic revinctum, ut non res, sed rerum umbras inspiciat, quemadmodum

Metaphis. lib. 2.3. de Anim. tex. 14. de princip. Nat. lib 1 tex. 81.

modum videre est sub initium*. Plura eorum philosophorum libenter omitto, in quibus fabularum, & metaphorarum usu veritatem sæpissimè declaratam agnoscimus, & miramur; Eos plane sequi visus est Ionnes Grammaticus, eos Alexander in Problematibus Amoris picturæ causas afferens, & conditiones, eos denique Moràlissimus Cæbetes in divina illa tabulæ suæ descriptione. Ex hac tam illustri præstantissimorū virorum auctoritate, & exemplo licet arguere (quod aliàs etiam dixisse mihi) Philosophum, & Medicum minimè dedecere, si veterum Poetarum libris, studioque delectentur, è quibus plurimam in eorum facultates utilitatem proficisci compertum est. Maximus Tyrius, omnesque ferè Græci, Plutarchus verò præ cæteris Homeri Libros scientiarum fontes habuere pretiosissimos, & præclarissimum illum Poetarum Principem probationis testem adducere graviores Philosophi, egregiusque noster ille Institutor Hippocrates non dubitarunt. Medicum, & Poetam esse non dedecet, quis enim ignorat misterijs refertam antiquitatem Poetarum, æquè, ac Medicorum numen Apollinem coluisse, ut potè qui non modo ad hominum levamen Citharam module-

B tur

Lib. 7. de Rep.

tur, & Plectrum; verum etiam in Parnassi iugo Dictamum, Panaceam, ceterasque saluberrimas herbas ad hominum medelam colligat, & salutem? Damocrates Græcus Medicam non secus, atque Poeticam Artem professus est: Iambico carmine antidotorum opus præscripsit, Clinicum item, & Pythicum, neque minore idcirco quod Poeta esset, honore, per Galenum est habitus, quin immo ex eiusdem libris in suos Medicorum principem illum plura transtulisse remedia comperimus.

Nonne Poeta Ruffus noster Ephesius Imperatori Traiano sic dilectus, ut nihil addi posse videretur? Nonne Poeta Medicus Eudemus, cuius adhuc opus illud perlegitur Theriaca Antiochi Philomitoris? Nonne Poeta Andromachus, qui Theriacarum omnium præstantissimam carmine exposuit, eandemque Principi Poetica lauro celeberrimo nuncupavit? Nonne Poeta Philo Tharsensis, qui Antidotum suum eleganti sic metro composuit, ut Galenus commentarijs illud exornare, fabulasque omnes, quibus opus illud Poeticum simul, & Medicum ad concinnitatem scatebat, explanare minimè fuerit dedignatus. Verùm aliena quid ego emendicem exempla? Galenus Galenus inquam Poetica facultate non caruit, carmina cecinit ingenium.

nium spirantia, & suavitatem. Quamquam autem in voluminum illorum lectitatione desudaret, quæ Artis suæ professores ante illum viuentes ediderant, nihilominus tamen veteres Græciæ Poetas evoluere, singularique illos attentione lustrare non prætermisit; e quibus pulcherrimos collegit flores, qui Divina eiusdem opera undequaque intertingunt, illud fortasse nobis ostendens inamænâ quamdam, insuavemque asperitatem a medici facultate, atque ingenio esse alienam. Quam longam hic illustrium virorum seriem, posset texere, de quibus utrûm Medici magis, an Vates essent Mundus potuit ambigere? Quis nesciat Pamphilum, Nicandrum, Æmilium, Macrum, Falsum Macrum, Q. Serenum Sammonicum, Q. Rennium Fannium, scholæ Salernitanæ Auctorem, Fracastorum, Gorreum, Hugonem Fridevalle, Ianum Cornarum? Quid dicam de Iulio Alexandrino, Adriano Iunio, Ioanne Cuspiniano, Iulio Cæsare Scaligero, Henrico Smezio, Ioanne Sambuco? Si recentiores denique placeat recensere, quam illustres floruerunt Æmilius Vezzofius, Castor Durantes, Lusitanus noster doctissimus, Adiunctus noster, Hophmannus, Iacobus Bonzius, Meiobomius, Beverovicus, Oelzelinus, cæterique quamplurimi? Silentio reliquos

libet omittere, quos adhuc superstites Europa miratur & colit, a quibus novæ semper res antiquis ignotæ in lucem prodierunt; neque illud miretur aliquis tot, tamque gloriosa me hoc loco nomina commemorasse; Siquidem ea de causa libenter a me id effectum est, ut omnes intelligant, quam vera sit Hispani Auctoris observatio, qui non modo asservit, verum etiam Philosophiæ argumentis demonstravit, ex Medicis ijs omnibus, qui Arte præcellunt, Poetica neminem facultate destitui. Id autem ex imaginativæ præstantia contingit, quæ potissimum est Artis cuiusque præsidium; Siquidem eius vitum morbos, tum morborum origines facilius possunt agnoscere. Imaginativa insuper [inquit ille] remedij invenit occasionem, quo debeant uti, qua in re practicæ munus præcipuum situm esse ignorat nemo. Quamobrem occasionis inventorem Galenus Medicum nuncupavit. Locum autem tempus, & occasionem agnoscere imaginativæ opus esse quis dubitet? dicit enim figuram, & correspondentiam.

Anatomen simul cum Medicina natam, cumque ea adolevisse, eiusque oculum esse, eiusque integram cognitionem Medicis, & Philosophis necessariam existere, & fenestram, quam Momus in humano corpore desiderabat, sapientibus

tibus exploratum est; huius ignarus quisquis Medicine Mare Vastum sine velo, & gubernaculo naufragaturus excurrit; quare, si sermo, qui de Anatome partium prius instituitur, claritatem affert ijs, quæ de morbis, & affectionibus earundem præter naturam pertractantur, perperam sane, atque inconsultò ipsum omittentes ageremus, at conferre sermonem de Anatome partium ad historias morborum nullus sanæ mentis negare ausus est, cum summus Medicinæ legislator præceperit * doctrinam in Medicina initium capere debere a natura corporis, & Galenus non semel docuerit cognitionem partium esse præijciendam ijs, quæ de earum affectionibus differuntur; Non enim putamus accessurum quempiam ad deliria Thesalij, qui [eodem referente Galeno] ut Hippocrati, omnibusque antiquioribus Medicis contradiceret, & novam Medicorum sectam conderet, pronunciare haud erubuit, non oportere Medicum de hominis natura curiosum esse. Quis enim tam excors, ut non putet cuilibet Artifici opportunam cognitionem subiecti, circa quod operari debet?

Peritiores ergo sint Sutores, Zonarij, eris, ferri, marmorisque artifices, apud quos de natura

lib. de loc. in hom. tex. 4.

tura illarum rerum, in quas agunt sollicitior est cura; Medici præstantissimi Artificum, & quibus hominum commissa est salus, noscere suum subiectum negligènt, & temeraria circa ipsum operentur.

Homo siquidem cæterorum omnium Animal longè præstantissimum, caduca, atque peritura parte una, immortalis, ac sempiterna altera, Animo scilicet, & Corpore constat. Animus Divina refulgens luce ille dumtaxat est, qui ab hisce terrenis, & corruptibilibus nos seiungit, proximisque, & affines omnium Parenti, ac Servatori Deo efficit, cum immunis ab interitu, atque in omni ævo duraturus præstet, ut nunquam toti intereamus. Sequiat mors in hoc concretum, terrenumque corpus, & ipsum in limine vitæ plerumque occupet, ius nullum habet in animum, qui à contagione sensuum liber, & à vinculis membrorum, carcereque corporis, (ut Divinus Plato sentit) solutus emicat alacrior, purusque, æthereis orbibus, unde prius emanarat se reddit. Quantum ergo est, quod ab Animo Divinæ auræ particula hominibus accedit, cum hic immortalibus, superisque ipsis nos terrea portione celerrimè perituros exequet? Hinc fit, ut corporis bona, quibus etiam præ cæteris animantibus abundat homo, rectè sentientibus

tibus putentur sordida, & vilia, si cum ijs, quæ ab Animo inseparabilia sunt, componantur; Pulcra sanæ, & admiranda, quæ in exteriorem hominis fabricam elucent, sed quantum, obsecro, pretiosiora, quæ intus latent, cum illa miserè, caduca, & fragilia sint, hæc perpetuò splendida, ac immortalia? Vnde, quid mirum, si idem Sapientissimus Plato totum hominem ex Animo metiretur, corpusque eius tantummodò instrumentum, non nostri constituentem partem censuerit?

Verum licèt animus sit, qui solus spectari, & coli debeat in nobis, licèt fragilis, & fluxa corporis hmani species, ea tamen est, ac talis, quæ summam Divini Opificis Sapientiam, prorsusque erga nos indulgentissimi Numinis benignitatem testetur.

Quid n. in corporea hominis structura comperies, quod non sit, & ad pulcritudinem, & ad necessitatem affabrè concinnatum? singula, quæ in conspectum se se proferunt membra si lustraveris oculis, hæc mirabilia, sibi consentientia, & compacta, opportuno ordine disposita, eleganti figura condecorata dignosces; Iam verò quantum afflat decoris surrecta corporis statura! qua [ut ait Romani Parens eloquij] ad Cæli, quasi domicilij pristini conspectum meliori animantium.

tium omnium conditione excitamur?

Si etenim humanum corpus, Ægyptiorum more, in quatuor partes, Crura, Thoracem, Manus, & Caput distribueris, singulasque attentiori acie consideraveris, summam equidem in omnibus artificij elegantiam, & providi Artificis sapientiam admiraberis: Conspice primò Crura ad progrediendum data, ut eorum a trunco corporis delapsa, & latioribus toris valida longitudo, quo faciliùs onus corporis sustineret, paulatim se se cogat, utque genua determinet, quorum decentes nodi flexuram pedibus ad gradiendum, sedendumque aptissimam exhibent: Hinc, ut non æquali modo ducta, ne habitudo indecès deformaret pedes, sed teretibus furis clementer extantibus, sensimque tenuatis descendat usque ad plantas, quæ pulcherrimæ huius fabricæ quoniam fundamenta sunt, admirabilis, summusque Faber nequaquam rotunda specie, ne homo stare non posset, aut quadrupedum instar, alijs fulcris indigeret, sed exporrectiores, longioresque efformavit, ut planitie sua stabile, firmumque corpus efficerent, unde non iniuria plantarum ipsis nomen inditum fuit. Paulisper ex cruribus ad Thoracem [totum enim illud corporis spatium, quod a Claviculis ad pudenda est, cum veteribus Thoracis nomine

au,

audimus, obtutum eleves, occurrunt hic primò Genitalia vocata membra, quorum quis est, qui admirabilem vim non advertat, cum nos mortales, & caducos similj specie perpetuent, præstentque, quemadmodum præcinuit Lucretius.

„ *Vt res per Veneris blanditum sæcla propagent*
 Altiùs : paulisper exurgit Abdomen molle ferè totum, & carneum, ut liberè contrahi, atque extendi possit, ac propè Umbilicum leviter extuberans, partibusque coctioni alimentorum dicatis ampliorem locum cedit : Hic Ilia a lateribus utrinque adstant ; Hic Lumbi, qui ab Anatomicorum quoque experientissimis libidinis decantantur sedes, ex illis etenim egressi dicuntur homines, ijsdemque flagellatis sopitus Veneris appetitus exurgit, ex quibus inde vicina irradiantur vasa Spermatica, quemadmodum à Cerebro subiectæ sibi partes insita proprietate luminis æmula, & in sacris paginis Iob de Demone sic loquutus auditur, *Virtus eius in Lumbis, & in Umbilico potestas*, qui pro Viri, Mulierisque genitalibus à Divo etiam Hyeronimo usurpantur ; Hic Hypochondria, Hic Epigastrium ; Quod si huius partes, tam quæ continent, quam, quæ continentur, intusque latent

latent, animadvertere lubeat, has mira sagacitate dispositas, ac pulcro ordine coherentes inveniemus, nam ut musculos, quibus tegitur, & ad excernenda excrementa iuvatur, Notharumque costarum, lumbalium, Vertebrarum, Ossium Pubis, Ilij, sacri, nexus omittamus, contenta Peritonæo, tanquam comuni quodam involucro, membra possunt ne aptius distribui, elegantius ordinari? Sub Præcordijs iacet medius, ciborum culina, Ventriculus, & ab eo diducta Intestinorum volumina tot anfractibus, atque Mæandris admiranda, proferuntur ad Anum, lacteique cremoris, ex quo sanguis singularum partium nutrimentum constat, à superfluo excremento, & extra corpus relegando, secretionem procurant.

Adstant Ventriculi lateribus Lien, & Hepar, ille quidem à sinistris, hoc à dextris, amboque munia circa alimentum corporis insignia perficiunt. Posteriori vero in parte Glandularum potissima, & Maxima, (Pancreas scilicet) non vulgaris hac nostra tempestate officij, atque utilitatis inhabitat; Cui varia adeo, ac præcipua munera permulti Anatomicorum adscripsere, licet, à summo artis nostræ dictatore, ne quidem nomine Pancreas

creas dignatus fuerit, quæ Clarissimus Ren-
gerus de Graaf luculenter enumeravit, ut
alij tantum pulvinaris instar Ventriculo sub-
sterni, & Vasorum distributioni inservire
voluerint, alij Chylum ex intestinis admit-
tere, alij eiusdem recrementa purgare, alij fe-
re Vesiculam Biliariam Lienis existere, alij in
eam ordinaria naturæ lege, crassiores san-
guinis, & ineptas secerni particulas, alij
ad Nervorum excrementum recipiendum,
glandulam hanc efformatam esse, alij tan-
dem in ea humorem non duntaxat utilem,
sed maximè necessarium, segregari palam do-
cuerint.

Sub geminis visceribus accumbunt Renes,
a quibus aquæ ductus ad Vesicam, quæ cister-
na aquosi humoris est, & sub Pube latet, ema-
nant; supra Abdomen Pectus est, partim ossi-
bus munitum, ut quemadmodum ait Aristote-
les, naturæ thesaurum, calidum scilicet innatum
securius contineret, partim carneum, ut pro re-
spiratione se extenderet, homini latissimum, eo
quod plurimum abundet caloris latè se se fun-
dentis; Anterior Mammis, quibus Infantes enu-
trimur, extuberans, posterior Dorso; Tot Ver-
tebris, Costis, Sterno Concinnatum Frenis
ubi sedem hilaritatis Plinius reposuit, ac

20. E X C U R S V S

proinde in prælijs, gladiatorumque spectaculis mortem cum risu traiecta præcordia afferebant, eaque in parte uulneratum Thyconem risisse narrat Hippocrates; ab ipso Abdomine discretum, ac spirabilia viscera continens, intro enim ipsum Pulmones, & Cor præcipua corporis membra, quæ suis officijs vitam, & dant, & conservant, & in quibus, ut cum Platone sæpius loquamur, Audacia, Metus, Fuga, Consultores amentes sedem quandoque posuere cum implacabili sæpe Iracundia, Amor item intrepidus inuasor blanda spe socia castra fixere; quæ si perversa fuerint, voluptatem malorum seminarium, & dolorem proinde parem efficere consuecunt; At si Fortitudo ex adverso omnium contemptrix, & bonæ mentis filia, Cupidinis, & Voluptatis iussa spreverit, animusque forte pallore terrentium obiecto pertimuerit, sanguis, & spiritus venarum numerosam veluti stipatorum Regionē ad imperata subito accurrentem citat, tum celeriter metu discusso, sua potentia animi Fortitudo utitur.

Pari modo si Iræ vis exardeens repentē permiscet flagrantem æstus, Pulmonum cum cavis fistulis spiritus respiratione crebra, ac refrigeratione Cor continuo temperat, unde Iracundia, alioquin implacabilis, facile recedit; Qua-

mo-

mobrem in hostes voluptates, ac cæteras animi perturbationes potestas data est sapientibus, qui animi fortitudine, & corporis patientia libero Marte eminus vibrata tela alacres excipiunt, & cominus in Cordis penetralia graviores Iræ ictus, aut Odij propellant inanes.

In his itaque partibus, iuxta Divinum Platonem, Moralis Philosophia versatur, ac totum benè vivendi dogma in hisce sedibus continetur; Hinc læta felicitas originem ducit, hinc mortis terricula abiguntur, atque ad Divina Arcana mens sublimis excitatur; Quod si præter præstantissimos harum partium usus, structuram earundem spectare voluerimus, occurrent statim Pulmones, rara spongiosaque substantia, & quæadmodum perbellè scripsit Arethæus, lanæ per simili fistulis tamen quamplurimis diducta, quibus liberè excipere, atque alternatim emittere haustum spiritum valeant; Cor verò se se in conspectum dabit densum, compactum, fibrarumque plurimarum numerosa, & admirabili simul serie constructum, quibus ad saltū promptissimè cieri possit, thalamis duobus intro cavum, a quibus ibidem restagnans sanguinis æquor, flumina cæteras irrigantia partes immittit. Quamobrem neminem futurum putamus adeò hebetem, excordemque,

ut

ut Pectoris compaginem, sive forinsecus, sive internè spectatam, non pulcherrimam, utilissimamque fateatur. Vtrinque a summitate laterum eiusdem demittuntur Manus (hoc enim nomine totum id quod a scapulis, usque ad extremos digitos est intelligimus) quibus Parentes, Filios, Coniuges, Affines, Propinquos, & carissima quæque dulcè amplexu teneamus, & licèt inermes geniti, omne armorum genus in totius Corporis propugnaculum earum ope comparemus; Hinc vel disertissimè scripsit Galenus.* Quod homo sicut corpus armis nudum, ità & animam artibus destitutam habet, proque corporis nuditate manus, pro animi inertia rationem accepit, quorum usu strenuè corpus quidem armat, & modis omnibus ingeniosè custodit: Quin? omnium maximè Manū commendavit Aristoteles, dum ipse velut organum quoddam ante omnia organa dixit, māus enim quamuis nullum sit eorum, quæ particularia sunt organa, quoniam autem omnia rectè potest recipere, organū est ante omnia organa; à manu proinde hominis, quæ admiranda opera profecta sunt? omittamus magnificas ædium structuras, ac tecta domorum Cælum referentia splendidè intextas vestes, marmora adèò expolita, & expressa, ut loqui-

Lib. I. de usu Part. cap. 4.

loqui, ac spirare videantur; Nonne admiremur
 necesse est Architæ Tarentini ligneâ Columbam
 verarû aviû volatû emētītā? Zeufis uuas ita co-
 loribus expressas, quarum turgere aliæ, primulo
 nonnullæ maturefcere nigrore, acerbæ quædā,
 florentes, aliquæ adeo viuidæ videbantur, ut
 aves ipsas deceperint? Apellisequm, ad quem
 prætereuntes equæ hinnirent, Archimedis sphæ-
 ram, aliq; perplura, quæ manus hominis fusè,
 industrièque perfecit?

Verûm proindè illud, quod idem Galenus,
 eodemque in opere scripsit, ut sapientissimum
 Animantium est homo, ita pariter, & manus
 sunt organa sapienti Animali convenientia; non
 enim quia manus habuit, propterea est Ani-
 mal sapientissimum, ut Anaxagoras opinaba-
 tur, sed quia sapientissimum erat, propter
 hoc manus habuit, ut rectissimè Aristoteles cen-
 suit; Quod si totam manum in suas partes, Hu-
 merum scilicet, Cubitû, extremamque Manum
 diviseris, admirabile in singulis aliquod semper
 comperies; Conspice Brachij prominentem il-
 lam summitatem, ut elegans, ut decens sit, &
 sub eandem sinus, quos Axillas vocant; Con-
 spice flexile Cubitum, ut duobus ossibus, Radio
 scilicet, & Vlna descendat, Musculisque, qui-
 bus digitorum manus motus perficiuntur, de-
 center.

center turgat; Conspice extremam manum ipsam, admirandamque digitorum structuram, cuius an sit venustas, an emolumentorum amplitudo maior ignorabis; Conspice maximum in numero decus, maximum in gradibus, ac serie, Digitorum facilem contractionem, non minus ex commissurarum mollitie, & concinnitate protensionem; Ceterum quamvis singulæ corporis nostri partes mirabili quadam Arte constructæ sint, nullamque earum sapientissima natura impolitam, atque illaboratam, aut sine Rhythmo, & lepore reliquerit, præstantissimam tamen omnium humanum corpus componentium, ac summi, optimique Opificis Dei præferentem effigiem Caput existere, sublimioremque in hac admirabili membrorum compagine sedem occupare, strenuèque ac cor ipsum viscerum Reipublicæ regia dignitate præesse, quis vel invito etiam animo non fatetur? Hoc mentis sacrarium, ac divini seminis vasculum Timæus Platonius appellavit, cui tanquam Consultori cætera famulantur membra, ac veluti numen servili circumferunt gestamine, quod censoria quadam potestate, ut collibuerit, omnia disponit, & dirigit; Huius divinitatem repræsentantes veteres Ægyptij simulacro Serapidis specie humana Cælum

Cælum pro Capite imposuerunt; Hinc summus
 Medicinæ legislator in Epistolis suis protulit;
*Hanc mentis arcem inhabitant Artes, Virtutumque
 genus, Dij, Dæmones, Consilia, & Sententiæ
 illaque in regione magnus polus; Idem sensisse Pla-
 tonem in Dialogo de Iusto scribentem legimus;
 Dij figuram Capitis ad rotunditatem Mundi finxe-
 re, in eoque duos illos animæ Divinos Circulos statu-
 erunt.*

Age verò quanta inest species, & pulcritudo
 in capite? Aspiciamus celsissimum ipsius verti-
 cem, culmenque spectabilis huius edificiij, ut de-
 center contegatur pilis demissis, aut crispis, ni-
 gris, fuscis, flavis, rubentibus, quibus varia,
 propendet Cæsaries, non capitis tutela tantum,
 sed ornatus gratia a mulieribus præsertim ni-
 mio opere, strenuaque sedulitate concinnanda.
 Audivere mehercule Apuleium hisce loqutum.
 Mulier etiam venustissima, si capillitio nudetur,
 quamvis Cælo deiecta, Marj edita, fluctibus
 educata, licet inquam Venus ipsa, omni Grati-
 arum Choro, Cupidinumque populo stipata,
 Balteo cincta, Cinnamona fragrans, & balsama-
 rorans, si calva processerit, placere non poterit
 ne Vulcano quidem suo. Hinc galericolum ex
 alieno Capillo consulunt ad velandam caluitij
 deformitatem; Hinc Cosmotica medicamenta,

D

five

sive ab Archigene composita, sive a Galeno recensita, ac pretiosissima unguenta ad illorum culturam excogitavit officiosa nimis Medicorum industria, de quibus Martialis.

„ Non erubescit murice aureo nobis

„ Dividere Mæchæ pauperis capillare

Hinc mos vetus erat, ut in supplicijs Matronæ passis Crinibus Tempia verrent, adeo ut, quæ inter molliores delicias enutriebantur comæ, vilescerent in ludibrium, sic Livius * Matres crinibus, templa verrentes veniam irarum Cælestium exposcunt, sic & Atalantam Dianæ Altare adituram conquestam** Papinius cecinit.

Illam Diva ferox etiam num in limine sacro

„ Expositam, & gelidas verrentem crinibus
auras.

„ linquit.

Hinc apud Græcos, Romanosque sapientes Puerorum, & Virginum comæ numinum alicui consecrabantur, vetustissimumque ritum Achillis exemplo confirmavit Homerus, Thesei Plutarchus, atque Earinus Domitiani libertus, iam formæ gratia languente crines dicat Æsculapio Pergameo, de quo Statius. ***

„ Ite comæ facilemque precor transcurrite
Pontum

„ Ite

„ *Ite coronato recubantes molliter auro.*

Aspiciamus faciem admirabilem sanè hominum partem, quam solj inter cætera omnia, Animantia obtinēt, & cuius varietate, tam pulcris notis invicem distinguuntur; Hic se se explicat frons Tristitiæ, Hilaritatis, Clementiæ, Severitatis index; Hic prominent supercilia pilosa propugnacula pretiosissimarū in corpore partiū; Hic nitent oculi naturæ lucidissima specula, sidera parvi nostrj Orbis, membra præ cæteris omnibus carissima, quæ nos in dias luminis auras perduxere, & quæ (asserente Plinio) dulcissimo lucis usu vitam a tenebris, morteque discernunt. Scitissime igitur Stoicj visum Dei appellatione honestare non verebantur, quemadmodum Theophrastus formam appellare ausus est, illo namque exuta facies (Calcidius inquit) evadit informis; Sique oculos Doricj vocabant Optilos, unde Optiletis Minerva, merito eidem monumentum excussi ab Alcandro oculi templum erexit Lycurgus.

Hic nares adsunt scitissima ratione, ac peculiarj in sublimi positæ, cum ea odorum natura sit, ut superna petant, ornamentum non mediocre faciei, adeò, ut olim apud Ægyptios mulieres in adulterio deprehensæ earum amputatione mulctarentur, qua perpetuò ob fla-

D 2

gitij

gitij pœnam deformes viverent; Hiat hic labijs
 dissectum os, animi vestibulum, ianua Oratio-
 nis, cogitationum comitium, dentiumque
 valido septo, ac munimine occludit lingu-
 am, incomparabile Dei donum, & in quo in-
 finita bonitas inextimabili munificentia nos
 veluti legitimos filios est amplexata, hæc ete-
 nim gustus index, hæc fons sermonis, & Dux,
 hæc eloquentiæ parens, qua (veluti Tullius in-
 quit) cohortamur, persuademus, perterritos a
 timore obducimus, gestientes comprimimus,
 cupiditates, irasque restringimus; Hæc nos lu-
 ris, Legum, Urbium societate devinxit, hæc a
 vita immani, ac fera, qua belluarum more
 utebantur principio homines segregavit, tum
 ne mutuis cædibus interirent, tum ne rapinæ
 fierent, & iniuriæ, sed Iustitia violentiam co-
 erceret; Primus itaque noster, & universi hu-
 ius ortus a Deo est, vitæ quoque conservatio,
 Artes, leges, & quod mortales cum simus, im-
 mortalitatem per partes successionem imitemur.
 Hic sub ore pars illa est, quam Latini Mentum
 dicunt, in qua viris luxuriat barba, maturita-
 tis, ac sexus discerniculum, virilitatis, ac ro-
 boris argumentum; Hic protuberant Malæ,
 Genæque sanguine dulce rubentes, & quæ pri-
 mò in Maribus veluti iuventæ flore pilis ve-
 stiuntur.

ſtiuntur; in ſæminis verò ad gratiam, amorem-
 que conciliandum glabræ, ac depiles perpetuò
 ſunt; Hic demum a lateribus eminent aures,
 nobile auditus organum, ac percipiendæ diſci-
 plinæ ſenſorium, quo dulci vocum, cantuſque
 vario modulamine admirabiliter afficimur; Ha-
 rum ſiquidem beneficio Muſicam, ſi veram ex-
 pendamus, atque legitimam, [cum Rodigino
 loquimur] univerſis hominibus conferre plu-
 rimum conſtans benè ſentientium opinio eſt.
 Apud Arcades Muſicam nescire nemo potuit,
 omnis, quia neceſſariò didicit; Hæc autem non
 deliciarum, non laſciviæ cauſa, ſenſus, mentem-
 que oblectetur, ſed labores, aſſiduos, ac vitæ pa-
 riter duritiem, & aſperitatem, animique mo-
 res auſteros, ac trilles perturbationes certa
 quaſi dulcedine remolliat, atque contemperet,
 Duces interdum ſtrenuos reddat, & ad fortitudi-
 nē erigat; hinc memorię prodiſit Thimoteum
 Muſicum, ubi in Convivio Cytharam apud Ma-
 cedonem Alexandrum pulſaret, adeo Regis ani-
 mum inflammaffe, ut ad capiendæ arma è ge-
 nialibus epulis ſurgeret, deinde cum ab illa tam
 acri chordarum tractatione ad leniores modos
 deveniſſet, iterum Alexander accubuit, quemad-
 modum in libro de tibicinibus Scripſit Aristo-
 xenus. Sed iam Minervæ templum ingredimur
 ſacraſ-

facrasque ædes, in quibus delapsa Cælo nostri
pars immortalis inhabitat sedulo perlustrandas
subimus, sed o quali, quantoque sagacis naturæ
artificio, Divinique Architecti molimine has fa-
brefactas intuebimur? Quæ Singulas humani
corporis particulas, tam affabre extruxit, sum-
ma elegantia concinnavit; putamus ne non ma-
iorj diligentia effinxisse atria, regalesque sedes,
quibus animum divinum hospitem reciperet?
nullibj compertum est maiorem, quam in cere-
bri fabrica illius industriâ extitisse, cū tot diver-
sisque partibus ipsum constituerit, circumduxe-
rit in labirinthos, suspenderit in fornices, laxa-
verit in sinus; non mirum inde, si dissectoriæ
Artis peritissimi præcipuum hoc circa membrum
plurimum impendant operis, ac diligenter subli-
me hoc nobis thalamum pervigilj cultro referare
procurent; O Thessale, Thessalique sētentiæ pro-
pugnatores, si vestris deliramentis sagacior poste-
ritas assensum præstitisset ad tantæ dignitatis fa-
stigium verenda hæc Ars non pervenisset, immò
non solum longè a Romanorum finibus & domi-
na terrarum Urbè, verum etiam a toto Orbe exi-
bilata exularet, sed in hosce insipientissimos ho-
mines non est cur ampliùs invehamur, & opinio-
nes absurdas, monstrisque, portentisque similes
è limitibus Medicinæ arcere pauperie sermonis
nostri

nostri conemur, cum easdem adversus felix Pergameni facundia, & torrens illa dicendi copia satis, satisque tonuerit. Verùm caveant, obsecro, Medici illi dissectoria Arte, leniter dumtaxat superficie incrustati, ne de illa ab ambitione prolecti seriò differere audeant, ac si viscerum latebras, & corporum penetralia adeo perlustrassent, ut Alcmeoni Philosopho, eiusque nepotibus hucusque florentibus nihil cederent, nam in foveam illam inciderent, in qua merfi Neoterici quidam adhuc in ipsa immorantur, qui dum præ manibus haberent aureum præstantissimi Varoli Anatomi Bononiensis librum, in quo mirificè edocet subijciendo Anatomi cerebro, inversè locandum esse (præclarum equidem inventum) cum eousque à superiori parte imam versus secaretur; occasione quadam scripserunt inversè secandum esse caput, vice scribendi inversè secandum esse cerebrum, non discriminantes a continente contentum; caput enim appellatur id totum, quod collo superimpositum prima vertebra terminatur, quo significatu utimur, cum alicuius caput abscindimus, quemadmodum Galenus *, nam in capite continentur oculi, nasus, aures, lingua, & omne id, quod enumeravit Thomas **

Barto-

3. lib. de pl. Hip. & Plat. cap. 8. 2. lib. de cap. cō. in lib. 2. Gal. de ofs. cap. 8.

Bartolinus, eique subscripserunt Ioannes *** Riolanus iunior Isbrandus ****, cæterique omnes Anatomiam profitentes. Speciosum equidem foret, & peregrinum Anatomi subijcere, oculos, linguam, nasum, & aures inversositu a quo eos sagax natura locavit, & in quo propria munera exercent.

Vtinam non persistant aliqui ex medentium agmine, qui procul dubio credant non unum dumtaxat cor in animantibus aliquando reperiri, verum etiam bina, Plinij testimonio suasi feribentis, duo Perdicibus in Paphlagonia corda inesse: Ridiculum sanè in rebus Medicis commentum, nam quamvis exta quædam alia, ut Lien, & Hepar [referente Aristotele alijsque celebratissimis viris] gemina evisceratoribus apparuerint, cor perpetuò in animantibus unum fuit, ea scilicet ratione, quam ex Homero retulit idem Peripateticorum Princeps.

„ *Haud multos regnare bonum est Rex unicus esto.*

Decet enim in benè instituta Reipublicæ administratione unum esse, qui Imperij habenas regat, alijs omnibus Maiestate præsit, & cum in nostro corpore quod varia, ac mirabili partium diversitate Reipublicæ non iniuria quis composuerit tale cor à Philosophis putetur,

tur, ipsum multiplicari iuxta eorum sententiam nunquam potuit; & quamvis scribat Plinius in Paphlagonia bina perdicibus corda inesse, in his avibus minus commoda dexteri sinus cum sinistro agglutinatio, atque propria circumscriptio, visceris huius substantiam in duos apices distrahendo gemini cordis speciem exhibuit. Hoc enim contigisse viro cuidam in Galli corde Galenus* retulit his verbis. *Gallum quispiam Dijs sacrificans cor invenit duobus fastigiatum verticibus, deinde ratus id esse augurium huius interpretes disquirebat, Casu autem in me incidens, duo in uno animante Corda, cum Dijs sacrificaret, se invenisse dixit, atqui duo non erant, ut arbitrabatur sed dexteri ventriculi vertex peculiarem circumscriptionem habebat; Natura igitur non nisi unum cor animantibus indulsit, ipsum tamen nunquam deesse voluit. Qui igitur Labyrinthum ingrediuntur, cui Anatomes concinnè comparatur sine fili glomere ab Arianna recepto, cuius nomine Sapientia obvelatur, perpetuo egredientur ingloriè; Vnde Divini Magistri præceptum inviolabile penes ipsos sit, *Breviloquentia*; satis enim scit, qui non scit, tacere si scit.*

Mathematicam Medicinæ opitulari quis de-
neget? cum de apta, & concinna membrorum

E

collo-

lib. 3. de administrat. Anatom. cap. II.

collocatione, decenti figura, æquabili proportionē decernat; multaque in re Medica vix mente comprehensibilia evidenti demonstratione dilucidet; O terque, quaterque Beatus Artis nostræ Professor hac facultate exornatus, sed non adeo de se eminenter sentire velim, ut Principes Mathematicos inculpet, & corrigat; unde conqueritur clarissimus Ioannes Alphonsus Borellus, qui propositionem ducentessimam quadragesimam quartam, in libro de motionibus naturalibus a gravitate pendentibus verissimam esse, dum altruit oppugnatores invenit, qui enim illam arguunt ex eo, quod corpus descendens in aere habeat eandem resistantiam in principio motus, & in progressu, decipiuntur; siquidem non eadem est resistantia, quo magis enim velocior est motus, eo maior est resistantia aeris, & aliorum corporum fluidorum, quod experimento etiam comprobatur, cum enim virga aerem verberamus veloci ictu, tremor quidam exoritur, qui non exauditur, si lentè admodum aerem percutiamus; patet id luculentius in aqua, in quam si oblique saxa veloci ictu iaciamus, resiliunt ter, aut quater, veluti pila lusoria, cum in terram delabitur, secus autem evenire videmus, cum eadem saxa oblique lento motu in ipsam aquam proijciamus. Ita Navis,

vis, quæ remis agitur, ex primo remorum ictu movetur, & quamdam velocitatem cursus acquirit; quæ augetur deinde magis, magisque ex cæteris remorum ictibus, quo usque eò crescat velocitas, ut à maiori resistantia aquæ motus navis reddatur æquabilis; nam, & in hoc casu adest in principio motus navis, resistantia aquæ, sed tamen multo minor illa, quam invenit navis, cum velociori motu cietur. Ex quo liquido patet ex hac difficultate [nempe, quod corpus mobile habeat eamdem resistantiam in principio, & in progressu motus] nihil infirmari demonstrationem doctissimi Borelli, quoniam & si semper adsit resistantia, tamen in principio motus est minor, & deinde semper augetur, quo usque augeatur motus, & æquabilis reddatur. Hęc pauca, & mihi incognita celeberrimi præceptoris, ac beneficentissimi amici in obsequiū satis esse confidimus, nam in tot voluminibus, tantis scientiarum momentis illustribus, si minimum (quod non conceditur) non integrè periclitatum exarasset, largo etiam iure proferre posset, æternæ beatorum mentes à vinculis, carcereque corporis iam solutæ, omnia ritè dignoscunt, & peragunt, nos in cognitione nostra sæpiùs allucinamur, & præcipientes, aut ad discētes à veritate deficimus.

T E X T V S.

Etiam ex disputationibus nihil utile spectantibus.

Nihil utile afferentes disputationes, affanias, nugaeque esse, quis, vel excors vertit in dubium? Magni verò ponderis, & momenti, clarioris doctrinae, & scientiarum altrices, quis vel invito etiam animo non fateatur? Circulus, & calamus pariunt viros, veritatis enim amantes, eam sedulò inquirentes, labore improbo insudant Sterilia, quævis hominum ingenia, densaque incitiae caligine merfa, ancipitum rerum certamine, lucem, & fecunditatem acquirunt. Quemadmodum metalla igne, malleo, & scalpro omnia domari possunt, & in tenuissimas duci laminas; Nullum prorsus ingenium est adeò durum, in quo cura, & emulatio non promoveant aliquid, dummodo tranquillo, pacatoque animo controversias agant, & insanabile non teneat illos scribendi cacoeches, neque de illis resonet.

Ora tument ira, turgescunt sanguine venae,

Lumina Gorgoneo servius angue micant.

Neque adversus Antagonistam acrior ferveat in prae cordijs ira, quæ mentem obcecat, atque perturbat, unde fit, ut irati multa effutiant

ant

ant inania, nihil consideratè, nihil cum ratione,
parum addiscentes, minus præcipientes.

Gravissimorum hominum controversias mente, oculisque perlustrans, aliquid didicisse confiteor, pluraque alia, me assequiturum sperassem, ni ingenij mei tenuitas obstitisset. Quid prodest, obsecro, Medicinam profitentibus acerrimè expiscare, quibus nam salibus Villæ aqua in agrò Lucensi admirabili scaturigine surgens prædita sit? quibusue morbis profit, si ægroto alicui iuxta artis leges, integraque methodo præscripta, intus viscera ebibentis per plures dies adeò immoretur, ut ne guttula secedat, disputare tamen volunt, utrum aquæ istius continuandus sit usus? certantes, æquum iudicem habeant Hippocratem, qui litem tam futilem, atque aeream dirimet, sententiamque hac verborum serie proferet*. *Ita pariter si in præcordijs obstructione detentis, ac in flammatis, aqua digestu difficilis, sine exitu diù desideat, corrumpitur, & in bilem præsertim porraceam facessit.* Vnde sole clarius effulget, disputationem hanc, tanquam nihil utile spectantem, prorsusque erubescentem reiiciendam; nō satis est, quod medicamenta indicentur, sed operæ pretium est, ut impedimenta tollantur, quæ illa exequi non permit-

Lib. de aer. aqu. & loc.

mittunt; Sed nescio, quo malo omine, quave causa, quoties de aquis Villensibus negotium faceſſo, in calamitatem aliquam ſemper incurram, ſi Aſtrologiæ crederem, malignos Aſtrorum influxus libentiſſimè incuſarem; nonne fuit qui advèrſus ſententiam meam de actuali calore Villenſis aquæ, quem a ſubterraneis ignibus ſortiri adſtruebã, ſcripſit, illas non ab huiusmodi ignibus, ſed à ſolis calore obtinere, unde ad leniter meum firmandum placitum ratiociniis hiſce inſurrexi; Si ſol actu minerales aquas calefacit, qua ratione eundem ſervant caliditatis tenorem hyeme, & æſtate, mediaque in nocte, ac in æſtivalis diebus? Immò cur hyemali tempore calidiores, quam æſtivo perſentiuntur? ſique ſol tantis viribus pollet, ut radiis remotiora terræ viſcera invadat, intùſque ipſa thermaleſ aquas adeò calefaciat, ut earum nonnullæ ebullientes erũpant in arva, cur dum ſicciores refert dies, robur non habet eodem gradu calefaciendi (non inquam) Volſinium, Feronium lacum, Liburnique mare; quin, nec ſoſſulas Civitatum; qua ratione Æthiopicas paludes, & maria ſub Zona torrida feruere non cogit, quæ nullo umbrarum tegmine ab æſtuali face defenduntur, cur, obſecro, iſte ſol tot aquas ſulphureas, ac
bitu-

bituminosas sensui frigidas apparentes non calefacit? tales in Lacu Vadimonis servantur, tales in territorio Latino propè uetustam Ardeam, tales in arvis Tigurinis. Quem latet sulphureas Cydni undas læthali morbo celebres, quo ob actualementem algorem correptus Macedo Alexander fuit, cum captus Cydni fluminis amantate per mediam Urbem influentis, proiectis armis, plenus pulveris, ac sudoris in præfrigidam undam se proiecit, & tamen istæ, & illæ sulphure, & bitumine plenæ ob confimiles qualitates [quemadmodum Peripatetici loqui amant] expeditum, & liberum habent transitum ad ignem, nihilominus nativam frigiditatem retinent, invito etiam sole, qui, iuxta erroneam opinionem, eis impertitur actualementem caliditatem, quod nisi falsum omnino esset, quomodo sol munus hoc adimplere in remotissimis argentibus Septentrionis montibus posset, in quibus emortuam, vel saltem semivivam lucem Oriens, & Occiduus elargitur? at tamen in illis glacie, niveque undique perfusis montanis, fontes, lacusque adeò ebullientes reperiuntur, ut duriores etiam carnes in illos injectæ vel citissimè elixentur. Patet verum hoc Chadenis, Gothis, Ostroghotis, Anglicis, Hiberniæ populis, & Orcadum incolis; obstupe-

cunt

cunt Pannoniæ agricolæ, cur sol non solvat ;
 & liquet concretas Danubijundas, & faciat per
 gelidas eiusdem ripas excurrere fontem ferven-
 tibus lymphis, quem Purgatorium appellant .
 Non igitur, non mehercule sol est immediata
 causa, cuius ope actu calidæ aquæ erumpunt ;
 nam solares radij in maximo etiam activitatis
 vigore non inimas telluris latrebas attingunt ; Tes-
 tis sit terra in fervidiori æstatis parte effossa ;
 quam candidam veritatem confirmavit Philo-
 sophus Peripateticus *, Christiꝑ; fidelis scribens

*Puro clarum lumine Phæbum
 Melliflui canit oris Homerus,
 Qui tamen intima viscera terræ
 Non valet, aut Pelagi radiorum
 Infirma perrumpere luce.*

Eminentius philosophati sunt, qui evicerunt
 calorem, actualemente ebullitionem Mineralium
 aquarum à subterraneis ignibus promanare .
 Permultas rationes, variaque experimenta in-
 medium afferre possem, sed quoniam cordatis
 viris, verique amatoribus patet, alacriter præ-
 termitto. Satis sit venerari Empleadochis ** pla-
 citum à Seneca relatum, & Servij Grammatici.
Ignes [inquit Moralis Philosophus] multis in locis
terra

Boeth. lib. 5. de con. Phil.

In Rom. in 3. Cæcid.

terra opertos tegit, & aquas calefaciendo inalterat, si subditi sint solo, per quod illarum incurfus est. Causa huius incendij [subdit Servius] secundum Æt-
nam Virgilij hæc est; sunt terræ redundantes sulphu-
re, ut ferè totus tractus Campaniæ, ubi est Vesæu-
us, & Gaurus montes, quod indicat aquarum odor
calentium. Arrisit etiam horum sententiæ primi-
tiva gemmans Ecclesia, quemadmodum in ac-
tibus D. Martirys Pionis effulget propè mor-
tem decentis. Vos Decapolim Lydiæ regionem igne
combustam videtis ad impiorum exemplum usque in
præsentem diem, Ætnæ item incendium, & Sici-
liæ, atque Liciæ, & Insularum, quod si hæc vobis
videntur abesse longius, cogitate usum aquæ calidæ
ex terra scaturientis; unde enim, nisi ex igne in inti-
mis terræ partibus sito contrahit caliditatem? Omit-
to recentiorum doctrinas & diserta verborum
serie à clarissimo, & nunquam satis laudibus
elato præceptore nostro Ioanne Nardio excur-
sum claudio. Stolidus plane est, qui thermæ fer-
vere aquas perenni scaturigine conspicatus hæsit,
iusque ignis subterranei controvertit.

T E X T V S.

Hi enim sunt, qui conventus faciunt quæstioso
artis usu decipientes, & in circulis civitatum ver-
santes.

F

Oqu-

Oquali , ò quanto divini senis gaudio animus perfunderetur , si nostra hac ætate publicas vacare circulatoribus plateas , & absque hac penes ipsum detestabili culpa medicos refulgere dignosceret . Perijt tandem , perijt execrandum Agyrtarum gēus benefico Apollinis favente Numine , manibus ad Cælum erectis iucunda fronte clamaret .

T E X T V S.

Cognoverit autem , quis ex vestitu , & alijs lineamentis . Quamvis enim fuerint splendide ornati , multò magis fugiendi sunt , & à conspicientibus odio habendi .

Multo magis Asclepiadum clarissime obstupesceres , si Medicinam facientes , non pallio , non toga indutos , sapientiæ , & nobilitatis Argumento , nec barbam pascere intuereris , ast thorace eleganti , fæmuralibus concinnis , avulsisque pilis è mento galericumque gestantes ; Sed ut benigniori hospitio magnum suscipiamus Hippocratem , ei exploratum credimus temporum vicissitudini , Urbiumque moribus indulgendum fore , & vestiendi ratio , corporisque cultura , quæ tunc in veneratione erat , modo in ludibrium habitura , dummodo præsentis cu
Medi-

Medici non adeò indelicijs se habeant, & festuca peregrinos ritus ad se se exornandos non quærant. Nec medicamenta Cosmotica crinibus venustandis, sive ab Archigene composita, sive à Galeno recensita, quibus aut nigrigent, aut rufi evadant, aut in candorem perducantur sedulò adhibeant; forsan ne medentes sordes affectare debent, aut deformitatem; quemadmodum de Hermocrate adeò deforme cecinit Martialis, ut Andragoræ in somnis apparente illum infami turpitudine occideret?

- „ *Lotus nobiscum est hilaris cenavit, & idem*
 „ *Inventus mane est mortuus Andragoras.*
 „ *Tam subitæ mortis causam Faustine requiris?*
 „ *In somnis medicum viderat Hermocratem*

Improbam, sævamque novercam Medici iurè appellarent naturam, si Gibbosos, Distortos, Coclites, Cicatricosos ipsos progenuisset. Fælices sane illi, & invidenda sorte spectabiles, qui decora specie ditati ægrotantium obtutui se se offerunt, propriæque virtutis in eorum animos imaginem insinuât; Quasi interioris sapientiæ energia exterior quoque cortet, & superficies velut indice, & luce illustretur; Sic summus ille Architectus excellentibus animis hospitia quodammodo præclariora constituit. Ha-

ud secus ac comitiales metatores videmus infigniora urbis loca, tectaue commodiora Principibus, Magnatibusque, humiliora ministris designare.

Vtrum verò in persanandis morbis potentior sit Ars vel Natura dubitandi ansam præbuere medicinæ proceres; vel facillimè controversia dirimitur, at arduum sanè est, quid sit natura, quidue naturæ nomine proferendum, cum tam variæ apud sapientiæ Patres opiniones extiterint. Hinc non mirum Clarissimum Boyle in suo admirabili opere de ipsa natura tam exactè negocium hoc perpendisse commonstrando remoram ad scientiarum progressus meritò nuncupari, nam in ipsa contemplanda ingenium quodlibet gradus sistit, nec ulterius iter prosequitur explorandi gratia, quid verè proculq; dubio hæc natura sit, cui tot admirabiles, dotes, & altissima munia tribuuntur, toto animo meditans, quid circa ipsam protulit Romani Patres eloquij. * *Namq: alij naturã cēsent vim quãdam sine ratione cientem motus in corporibus necessarios, alij autem vim participem rationis, atque ordinis tamquam vita progredientē, declarantemque, quid cuiusque rei causa efficiat, quid sequatur, cuius solertiam nulla ars, nulla manus, nemo opifex consequi possit imitan-*

lib. de Nat. Deo.

imitando. Sed ne ampliùs expatiemur colligamus vela, afferentes multas præter naturam affectiones absque ullo artis auxilio à sola natura perfanari, quemadmodum Oppilationes, & Malaciam præsertim in Virginibus, nullas verò ab arte absque auxilio naturæ. Ad extrahendam è vulnere sagittam, & ad necendum os fractum cruris, aut brachij, Chirurgi opera necessario opus est, verùm si potens Natura genio suo præstò non sit, neque carnis generationem, neque Pori Sarcoides, nec cicatricem, ossiumque firmitudinem assequemur.

T E X T V S.

Obuiam itio.

Singula ad Medicum necessaria, utilia, & decora perpendit Divinus senex, ideoque, qualis ad ægrotum, & affidentes se se proferre debeat sapientissimè præcipit, obuiam igitur euntibus in limine domus, hilari fronte, oculis blandè inflexis, & palpebris suaviter coniectantibus animi serenitatem prodat; non umbras expavescens, non terriculamenta meditans, veluti mors in propinquo esset, infirmum, parentes, amicos exterreat, neve id agere sibi per caliditatem licere credat, mendacis politicæ opio-

nione; consilio Vallesij innixus scribentis. *Profecto ad medici honorem, & admirationem artis magis refert prædicere mortem in morituris, quam salutem in evasuris, ea ratione firmata, ut culpa putetur Medicus vacare, quod prædixerit; verum pace, veniaque tanti viri, huiusmodi placitum non me allicit, neque trahit, cum veritati omnino mihi consonum videatur in eundem offendere errorem Medicus ille ægrum asserens moriturum, & sanitati reddatur, ac ille sanitatem prædicens, & moriatur infirmus; ex futuri eventus prænuntiatione perfecta vaticinatio colligitur; nonne æqualiter decipitur, qui venturos imbres existimat, & serenum cælum eluceat, ac ille qui serenū Cælū asserat, cælumque tonet, & pluat? summoperè edoceri desidero, quis nam dignior sit gloria, an ille qui prædixit mortē, & æger evasit, an ille qui vitam, & periit? utrūque toto Cælo aberrasse cōfirmo, nam si ad Vallesij mentē, moriente ægroto, culpa putetur medicus vacare, quod prædixerit, ita pariter evadente ægroto, gloria exornari Medicus putetur quod prædixerit; rectam prædicendi artem assequi, non omnibus datum est, & si ingenij mei tenuitas non obstitisset, his verbis, illam me edocentem totis viribus conatus essem audire Galenum. Cum omnia concinne se habent,*
velu-

Veluti chorus tunc libere est proferendum; monitum eternitatis voluminibus, aureis characteribus incidendum, quod ut animo perstringatur, effingamus aliquem, febre maligna correptum, cuius Medicus ab amico efflagitetur, an eius salutem speret, aut interitum pertimescat, ille si artem calleat, & signa salubria, & læthalia simul adesse respiciat; sumus in certamine, adhuc sub iudice lis est. respondebit, si verò læthalia tantum signa, *veluti chorus*, adesse dignoscet tunc liberè obitum enuntiabit; at si signa salubria; tunc sanitatem auspicabitur; Non persanare aliquem, sed ritè Mederi omnibus tenerur Medicus, & præter Catholicas leges hoc sapiens Stagirita patefecit, & lippis & tonsoribus adagium patet.

„ *Non est in Medico semper relevetur ut ager,*

„ *Interdum docta plus valet arte malum.*

Vnicus animus, mens unica, nempe infirmos suos sanitati reddere medentibus insit, intentiones alias à corde exulet, & præ cæteris avaritiam; ab humanis nempe, divinisque legibus alienum est, liberalis artis professores avaros existere, Hinc (ah Deus avertat) Medicorum substantias funditus sæpè sapiùs everti contingit. O iucundam animi tranquillitatem eorum, qui ab ægro sibi traditam mercedem in eius familia.

milia detrimentum redundantem solo charitatis titulo recusarunt. Hi prosperas curationes, Deumque Optimum Maximum retributorem expectent.

T E X T V S.

Gravitationis breviloquentia &c.

Iurè, ac merito multiloquos divinus Hippocrates notat, atque redarguit. Habemus sanguinis in gyrum motus enarratorem; de ipso præclare agentem, ipsumque verum verissimum commostrantem, qui statim paulò post falsum falsissimum subiungit, nempe vix emanato sanguineæ circulationis inventu perijsse doctrinam revulsionum, derivationum, interceptionum, maximas proxim Medicam exercentibus utiles, nec non necessarias remediorum materias, culpamque adscribi oculatissimo Villio, quod nunquam insomniavit hic auctor; scripsit dumtaxat in curanda Pleuritide parum, nihilque referre ab uno, aut ab altero Thoracis latere venam tundere, quemadmodum demonstratione Anatomica patefecit, verum in alijs medendis morbis, revulsiones, derivationes, interceptiones, & ipsas interdum evacuationes adhibet. Huius sincere veritatis testem exhibet seipsum hac verbo-

verborum ferie in curatione Phrenitidis *. *Qua propter, si res exigat, vena modo in brachio, aut manu, modo in crure, aut pede, modo in cervice, vel fronte aperiatur; potest ne clariùs loqui, glossa ne indiget, vel comentario? parcius (quæso) parciùs ista viris.*

Mirum in modum obstupeſco [Maxime medicinæ parens] dum aliquos, qui in ſublimiori doctrinæ ſtaſtigio florere ſe credunt, te etiam mendacii crimine redarguunt, quemadmodum in aphoriſmo illo, *mulier podagra non laborat, niſi menſtura defecerint*, ad quem aſtruendum errorem, **Moralis Philoſophi** auctoritatem adducunt. *Quid ergo mirandum eſt maximum Medicorum, ac naturæ peritiſſimum in mendacio prehendi cum tot fæminæ podagricæ ſint? Beneficium ſexus ſui vitijs perdiderunt, & quia fæminam ex verunt, damnatæ ſunt morbis virilibus; nonne vident, dum à culpa vindicare te iactant graviorem tibi imputare? Astrologum ſatius, quam Medicum te effingentes, dum fæminarum intemperantiam, vivendique licentiam futuris ſæculis cognoſcentem te autumant? & quomodo huiusmodi morum viciffitudinem lincæis etiam oculis deſpicere poteras? Ut plurimam, qui malè tractant enſem defendendi vice vulnera infigunt. Non intem,*

G

pera-

cap. 10. Partis. Patol

perantia tantummodo mulieres podagricas efficiat, sed solus menstruorum defectus, proindeque verissimum Hippocratis oraculum; sed adhuc obganniunt, increpant etiam clamantes; si singulis mensibus menstruales purgationes erumpunt, quid ulterius desiderandum? quibus ego Senecæ venia respondeo; Sanguinem iuxta medicorum omnium calculum, quantitate, qualitate, & motu peccare, consentientem me habeant quolibet mense menstrua sufficienti quantitate erumpere, verum non illius qualitatis secundum naturæ præscriptum, quæ expurgari debent, scilicet retinentur ille, qui causa materialis, & efficiens, remota, & proxima podagræ censetur: Hinc cum exprefferit in alio aphorismo; *si talia purgentur, qualia purgari oportet, confert, & leviter ferunt*; cōplectens purgationes omnes, tum à natura, tum ab arte, tum in acutis, tum in Chronicis passionibus confectas, apertè demonstrans verbis illis *talìa qualia*, non de quanto, sed de quali sermonem habuisse; intelligens aphorismos hosce unum ad alterum referri, unoque nexu teneri, idest. *Mulier podagra non laborat, nisi menstrua defecerint*; Et *si talia purgentur, qualia purgari oportet*; nam quando Divinus senex de quantitate pertractavit generalem aphorismum protulit, quæ relinquantur in
Mor-

Adorkis post indicationem recidivas facere con-
 fuerunt. Complectens dictione illa, quæ reli-
 quuntur, quantitatem, qualitatem, & motum;
 Vnde à Mendacii culpa vindicari non oportebat,
 nihilque ei gloriæ plaususue adiecit. Tibi quoque,
 Divine Præceptor, prima frôte officere visus est
 Leonardus de Capua, at si ad trutinam revocetur
 negotium non tanta iniuria, quanta Medicorum
 Respublica opinatur, te afficere confitebitur,
 sciebat enim deberi tibi æncomium illud à
 Macrobio prolatum *nec fallere, nec falli potuit*.
 Verum quia cunctis placitis tuis subscribere
 dedignatus est, nō putaretur iurare in ver-
 Magistri, confidenter nimis, utpotè biliosus,
 sanguine, & spiritu ad fervorem propenso,
 exarsit levi occasione, deprimens supercilia,
 limis, & obliquis oculis contuens, quasi pugno
 minitans ad propriæ causæ tutelam. Hinc non
 spernendi desiderio, adversus Hipocratem im-
 imputanda Capuani licentia. Fateri (si vera
 loqui adamamus) quisquis tenetur adeò in Me-
 dica facultate præstantissimum fuisse Leonar-
 dum, ut de eo effari possit, habuit Coos suum
 Ippocratem, habuit suum Ipocratem, & Par-
 thenope; Oterque, quaterque beati, qui Ty-
 rones illius dogmata percepere, nam inde sa-
 pientes Magistri effulxerunt, in quorum flo-

renti cætu Clarissimus Lucas Tozzius in Medico Cælo Sydus inter maiora sydera, Occasus expers elucet. Verùm sapientum omnium suffragio, tantum Hipocrates ingenij, sapientiæ, bonarumque Artium corona Leonardum excedit.

„ *Quantum lenta solent inter viburna cupressi.*

Mihique videtur Coorum maximus motum virj huius, non modo non irasci, sed Magnanimi Leonis exemplo pusilli Catuli latratus non curat, non vindicatur, sed illæsa Maiestate, spernit, & parcit, lucem siquidem furari ex Sole non quisquis vapor, sed nec maiores valent Eclipses.

T E X T V S.

Instabilia enim sunt, quæ in humidis consistunt.

Ad febrium tractationem præsens textus vel facillimè reduceretur, sed quoniam de earum essentia, & curandi ratione in adiuncta Epistola non nihil innuimus, & quoniam integrum opus peregrina, novaque methodo à celebri viro de febribus exaratum, promissumque expectamus ideò tacere decernimus: Quousque ex eo luci tradito clariores, certioresque doctrinas didicerimus.

F I N I S.

Illustriss. ac Reverendiss. Domine

Præsens excursus in librum Hippocratis de decenti Ornatu satis ostendit Excellentiss. Virum Ioannem Andream Moneglia auctorem suum, præclaris dotibus & summa eruditione ornatum esse. nec quidquam in eo reperitur, quod fidem & pietatem offendat. Sed quod ad virtutem excitet animos, alliciat mentes, ac delectet. In quorum fidem Dat. Florentiæ in Conventu Divæ Annuntiatae Die 17. mensis Iulij 1700.

Frater Iulius Antonius M. Roboredo Ordinis Servorum Beatae M. Virginis in Vniversitate Pisana Publicus Sacrae Theologiae Professor

Imprim.

Nicolaus Castellani V. G. F.

De mandato Reveren. Patris Inquisitoris Generalis Florentiæ Excellentissimus Dominus Doctor Franciscus Guiducci Medicus Phisicus perlegat attentè præsentem librum, cui titulus est *in librum Hippocratis de decenti hornatu Celer Excursus* & referat, an eiusdem possit perimitti impressio,

*F. Lucius Augustinus Cecchini de Bononia Min. Cen. Vic.
Gen. Sancti Officij Florentiæ.*

Reverendiss. Pater .

De mandato RR. PP. attentè, simulq; summa admirationi perlegi Celerè Excurſū in librū Hippocratis de Decenti Ornatu Auctore Ioanne Andrea Moneglia, Regiæ Celsitudinis Cosmi III. Magni Hetruriæ Ducis Archiatro, & in Celeberrimo Pifarum Lyceo Medicinam Practicam ordinario loco Edocente, nec in eo inveni aliquid bonis Moribus, & Orthodoxæ fidei obſtans, sed exornatum veneribus, est leporibus eruditione, & doctrina locupletatum. In quorum fidem &c.
Datum Florentiæ nono Kal. Augusti 1700.

*Servus Obſequentiſſimus,
Franciſcus Guiduccius .*

Attenta ſuperſcripta relazione, Imprimatur F. Augustinus Cecchini de Bononia Min. Conv. Vic. Gen. S. Officij Florentiæ .


Imprim.
Philippus Bonarota S. M. D. Aud.


Errata

Sic Corrige

Pagina versus

14.	4.	negligent & temeraria	negligant, & temera- rie
15.	14.	hmani	humani
14.	14.	in omni ævo.	omni ævo.
19.	26.	Frenis	Phrenis
50.	13.	debent	debet
50.	13.	retinen- tur.	retinetur.





KONSERVIERT DURCH
ÖSTERREICHISCHE FLORENZHILFE
WIEN 1967

005644176
005644175